

Na osnovu člana 116. stav (4) Zakona o osiguranju, u daljnjem tekstu „Zakon“ („Službene novine Federacije BiH“, broj 23/17 i 103/21), člana 5. i člana 8. Pravilnika o uslovima za sticanje i provjeru stručnih znanja potrebnih za obavljanje poslova ovlaštenog aktuara, u daljnjem tekstu „Pravilnik“ („Službene novine Federacije BiH“, broj 44/25), te člana 6. Odluke o naknadama Agencije za nadzor osiguranja Federacije Bosne i Hercegovine, u daljnjem tekstu „Odluka o naknadama“ (Tarifa 5) („Službene novine Federacije BiH“, broj 45/26), Agencija za nadzor osiguranja objavljuje:

JAVNI POZIV

za edukaciju i polaganje predmeta potrebnih za obavljanje poslova ovlaštenog aktuara

UVOD

Aktuarska profesija predstavlja jednu od ključnih i najodgovornijih struka u savremenom finansijskom i osiguravajućem sistemu. Ovlašteni aktuari svojim stručnim znanjima i vještinama doprinose procjeni rizika, određivanju premija, obračunu tehničkih rezervi, analizi solventnosti, upravljanju imovinom i obavezama, te izradi finansijskih i aktuarskih projekcija. Njihov rad direktno utiče na stabilnost tržišta osiguranja, zaštitu prava osiguranika i ukupnu finansijsku sigurnost društva.

U skladu sa Pravilnikom, Agencija za nadzor osiguranja Federacije Bosne i Hercegovine (u daljem tekstu: Agencija za nadzor), u saradnji sa Ekonomskim fakultetom Univerziteta u Sarajevu, organizuje edukaciju iz predmeta koji čine temelj teorijskih znanja potrebnih za obavljanje aktuarskih poslova.

Edukacija je namijenjena svim licima koja posjeduju odgovarajuću visokoškolsku kvalifikaciju i žele steći specijalizovana znanja iz oblasti aktuarstva, osiguranja, finansija, statistike, modeliranja rizika i profesionalne aktuarske prakse.

Program je koncipiran tako da omogući kandidatima sticanje znanja koja su u potpunosti usklađena sa programima međunarodnih i evropskih aktuarskih udruženja, te predstavlja osnov za dalji profesionalni razvoj i sticanje ovlaštenja za obavljanje poslova ovlaštenog aktuara.

Agencija za nadzor poziva zainteresovane kandidate koji ispunjavaju propisane uslove da podnesu prijavu za pohađanje edukacije i provjeru stručnih znanja potrebnih za obavljanje poslova ovlaštenog aktuara.

I – PRAVO PRIJAVE

Pravo prijave imaju kandidati koji ispunjavaju uslove propisane članom 8. Pravilnika, odnosno kandidati koji imaju završeno visokoškolsko obrazovanje sa ostvarenih najmanje 240 ECTS bodova, iz oblasti ekonomije, prirodno-matematičkih nauka, tehničkih nauka ili druge odgovarajuće oblasti, u skladu sa navedenim Pravilnikom.

II – NAČIN PRIJAVE

Kandidati se mogu prijaviti:

- a) za cjelokupan program (svih predmeta) – Model A;
- b) za jedan ili više pojedinačnih predmeta (maksimalno 6 predmeta po kandidatu u okviru jedne generacije) – Model B.

Prijava se podnosi na propisanom obrascu (Prilog 1 – Prijavni obrazac za edukaciju), koji se može preuzeti na web stranici Agencije za nadzor (www.ano.ba) i Ekonomskog fakulteta Univerziteta u Sarajevu (www.efsa.unsa.ba). Popunjen i potpisan obrazac, zajedno sa traženom dokumentacijom, dostavlja se preporučenom poštom na adresu: Agencija za nadzor osiguranja Federacije Bosne i Hercegovine, Ul. Kolodvorska br.12. Sarajevo, sa naznakom „Prijava za edukaciju – Aktuarstvo“, kao i elektronski na e-mail: info@ano.ba, sa predmetom „Prijava za edukaciju – Aktuarstvo“.

III – ROK ZA PRIJAVU

Rok za podnošenje prijave je 14.09.2026. godine. Prijave pristigle nakon isteka roka neće biti razmatrane.

IV – POTREBNA DOKUMENTACIJA

Uz prijavu je potrebno dostaviti:

- Ovjerenu kopiju diplome o stečenoj kvalifikaciji visokog obrazovanja (VII. stepen / 240 ECTS bodova);
- Ovjerenu kopiju lične karte;
- Potvrdu o priznatim predmetima izdatim od strane Agencije za nadzor, u skladu sa Pravilnikom (ukoliko se kandidat prijavljuje za pojedinačne predmete, a prethodno mu je priznat dio predmeta).

V – VISINA NAKNADE I NAČIN PLAĆANJA

Naknada za edukaciju iznosi:

- a) Model A - za cjelokupan program: 7.500,00 KM;
- b) Model B - za pojedinačni predmet: 700,00 KM (maksimalno 6 predmeta po kandidatu u okviru jedne generacije).

Naknada se uplaćuje na račun Agencije za nadzor osiguranja FBiH:

Banka: UNICREDIT BANK d.d Mostar:

3383202200882091

RAIFFEISEN BANK d.d. Sarajevo: 1610000312360090

UNION BANKA d.d.Sarajevo: 1027080000066017

Svrha uplate: „Naknada za edukaciju – Aktuarstvo – (ime i prezime kandidata)“ i šifra plaćanja – 0502 za cjelokupan program, 0503 za pojedinačni predmet

Rok za uplatu je 15 dana od dana prijema obavještenja o prihvatanju prijave. Ili

Kandidat naknadu za kompletan Program plaća:

- jednokratno ili;
- u ratama prema sljedećoj dinamici:

Kod jednokratnog plaćanja kandidat uplaćuje iznos od 7.500,00 KM najkasnije 15 dana od dana prijema obavještenja o prihvatanju prijave.

Kod plaćanja u ratama primjenjuje se sljedeća dinamika:

Rata	Iznos ili procenat	Rok plaćanja
Prva rata	3.750,00 KM / 50 %	15 dana od dana prijema obavještenja o prihvatanju prijave
Druga rata	1.875,00 KM / 25 %	31.12.2026. godine
Treća rata	1.875,00 KM / 25 %	31.03.2027. godine
UKUPNO	7.500,00 KM / 100%	

Kandidat koji upisuje pojedinačni predmet dužan je naknadu uplatiti najkasnije 30 dana prije početka realizacije tog predmeta.

Napomena: Naknada za edukaciju ne uključuje naknadu za priznavanje predmeta (350,00 KM) niti naknadu za sticanje zvanja ovlaštenog aktuara (licenca za obavljanje poslova ovlaštenog aktuara), koje se plaćaju posebno u skladu sa Odlukom o naknadama Agencije za nadzor

VI – NAČIN IZVOĐENJA NASTAVE I RASPORED

Nastava će se odvijati u prostorijama Ekonomskog fakulteta Univerziteta u Sarajevu (EFSA), uz mogućnost online praćenja putem odgovarajućih digitalnih platformi, u zavisnosti od organizacionih mogućnosti, tehničkih uslova i potreba prijavljenih kandidata.

Edukacija se izvodi u blok terminima, i to petkom popodne i subotom prijepodne, kako bi se omogućilo praćenje nastave kandidatima iz svih dijelova Bosne i Hercegovine.

Kandidat je obavezan prisustvovati najmanje 80% ukupnog fonda časova za predmet da bi ostvario pravo pristupa ispitu.

Detaljan raspored predavanja, sa tačnim terminima, mjestom održavanja i linkovima za online praćenje, biće naknadno objavljen na web stranicama Agencije za nadzor (www.ano.ba) i Ekonomskog fakulteta Univerziteta u Sarajevu (www.efsa.unsa.ba), najmanje 15 dana prije početka edukacije.

VII – USLOVI ODUSTAJANJA I POVRAT SREDSTAVA

Kandidat ima pravo na povrat uplaćenih sredstava pod sljedećim uslovima:

- a) 100% povrat – ako kandidat odustane prije isteka roka za prijavu;
- b) 50% povrat – ako kandidat odustane nakon isteka roka za prijavu, a prije početka edukacije iz pojedinog predmeta;

- c) bez prava na povrat – nakon početka edukacije iz pojedinog predmeta, osim u slučaju teške bolesti ili drugog opravdanog razloga dokumentovanog odgovarajućim dokazima (odluku o povratu donosi Agencija za nadzor);
- d) 100% povrat – u slučaju otkazivanja predmeta od strane organizatora (nedovoljan broj prijavljenih – manje od 5 kandidata), uz mogućnost prenosa uplaćenog iznosa za naredni termin.

Zahtjev za povrat sredstava podnosi se Agenciji za nadzor u pisanom obliku, sa priloženom dokumentacijom, u roku od 30 dana od dana nastanka razloga za povrat. Povrat sredstava vrši se najkasnije u roku od 30 dana od dana prijema pisanog zahtjeva.

VIII – MINIMALNI BROJ KANDIDATA

Minimalni broj kandidata za realizaciju pojedinačnog predmeta iznosi 5 (pet). Ukoliko se ne prijavi dovoljan broj kandidata, Agencija za nadzor može odlučiti o produženju roka za prijavu, pomjeranju termina realizacije, spajanju kandidata sa narednom grupom ili otkazivanju predmeta. Kandidati će o donesenoj odluci biti blagovremeno obaviješteni.

IX – INFORMACIJE

Agencija za nadzor zadržava pravo izmjene termina izvođenja edukacije, ukoliko za to postoje opravdani organizacioni ili tehnički razlozi, uz obavezu blagovremenog obavještanja kandidata.

Sve dodatne informacije mogu se dobiti na telefon +387 33 61 08 97 ili e-mail info@ano.ba, svakim radnim danom od 9:00 do 15:00 časova.

X – OBJAVA REZULTATA ISPITA I PRAVO NA PRIGOVOR

Rezultati polaganja ispita objavljuju se na web stranici Agencije za nadzor (www.ano.ba), u skladu sa članom 12. Pravilnika. Kandidati imaju pravo uvida u svoj test i pravo prigovora Agenciji za nadzor u roku od 10 dana od dana objave rezultata.

XI – ZAVRŠNA ODREDBA

Sastavni dio ovog oglasa je Prijavni obrazac za edukaciju (Prilog 1). Prijavom na edukaciju kandidati prihvataju uslove navedene u ovom pozivu, Odluci o organizovanju edukacije i Pravilniku o uslovima za sticanje i provjeru stručnih znanja potrebnih za obavljanje poslova ovlaštenog aktuara.

Završena edukacija i položeni ispiti predstavljaju jedan od uslova za dalji postupak sticanja zvanja ovlaštenog aktuara, u skladu sa Zakonom i Pravilnikom.

Broj: 02-05.1-04-3660/26:

Sarajevo, 24.08.2026. godine

DIREKTOR
Ivan Luburić